

ԸՆՏԱՆԵԿԱՆ ՃԳՆԱԺԱՄԵՐԸ ԵՎ ԴՐԱՆՑ ՏԵՍԱԿՆԵՐԸ

Ընտանեկան ճգնաժամերի նկարագրությունը ելնում է երկու մոտեցումներից՝

- 1 ճգնաժամերը դիտարկվում են որպես ընտանիքի կենսական փուլերի միջև անցումային պահեր՝ **նորմատիվային ճգնաժամեր**:
- 2 Ընտանիքում ճգնաժամերը ի հայտ են գալիս ընտանեկան համակարգի կայունության վրա ազդող որոշակի իրադարձությունների հետևանքով՝ **ոչ նորմատիվային ճգնաժամեր**:

Ընտանեկան ճգնաժամերը, հանդիսանալով ճգնաժամի տեսակ, ունեն իրենց սպեցիֆիկ բնութագրիչները: Դրանք են՝

- 1 ընտանիքում իրավիճակային հակասությունների սրացումը, որը հանդիսանում է ընտանեկան ճգնաժամը սկզբնավորող փուլ: Սովորաբար սա աստիճանական գործընթաց է, որի ժամանակ տեղի է ունենում լարվածության կուտակում և ժայթքում,
- 2 ընտանիքում իրավիճակային հակասությունների սրացումը, որը հանդիսանում է ընտանեկան ճգնաժամը սկզբնավորող փուլ: Սովորաբար սա աստիճանական գործընթաց է, որի ժամանակ տեղի է ունենում լարվածության կուտակում և ժայթքում,
- 3 ընտանեկան համակարգում անկայունության աճը, որը փաստում է ընտանիքի հոմեոսթազի խախտման և համակարգային կազմակերպվածության փլուզման վտանգի մասին,
- 4 ճգնաժամի գեներալիզացիա (ընդհանրացում), երբ դրա ազդեցությունը տարածվում է ընտանեկան հարաբերությունների և փախազդեցությունների ողջ տիրույթի վրա:

Նորմատիվային ընտանեկան ճգնաժամեր

Առողջ ընտանիքը մշտապես գտնվում է ներքին կայունության պահպանման և զարգացման ու աճի հավասարակշռության մեջ, և զարգացման մեկ փուլից անցումը մյուս փուլին զուգակցվում է որոշակի համակարգային ցնցումներով և վերակառուցումներով, ինչն էլ հենց պայմանավորում է նորմատիվային ճգնաժամերը:

Առանձնացվում է նորմատիվային **7 ճգնաժամ**

- 1 ամուսնական պարտականությունների ստանձնում,
- 2 ծնողական դերերի յուրացում և ընտանիքում նոր անդամի առկայության (երեխայի ծնունդի կամ որդեգրման) ընդունում,
- 3 երեխաների ներգրավվածություն արտաքին սոցիալական համակարգերում,
- 4 երեխայի՝ դեռահասություն մուտք գործելու փաստի ընդունում,
- 5 հասունացած երեխայի կողմից տնից հեռանալը,
- 6 ամուսինների նորից երկուսով մնալը,
- 7 ամուսիններից մեկի մահվան փաստի ընդունումը:

Ոչ նորմատիվային ընտանեկան ճգնաժամեր

Այս տեսակի ճգնաժամի առաջացումը հնարավոր է ընտանիքի կենսացիկլի ցանկացած փուլում և կապված է բացասական կենսական իրադարձությունների հետ:

Առանձնացնում է ընտանեկան ճգնաժամերի հանգեցնող ոչ նորմատիվային գործոնների երեք խումբ՝

- 1 արտաքին բարդություններ՝ բնակատեղի, աշխատանքի բացակայություն և այլն,
- 2 անսպասելի իրադարձություններ, սթրեսներ՝ ընտանիքը կամ անդամներից մեկը դառնում է ավտովթարի, ահաբեկչության, բռնության, պատերազմի զոհ և այլն,
- 3 ընտանիքի ներքին անկարողությունը ադեկվատ ընկալելու և վերապրելու որևէ սպառնացող, կոնֆլիկտային կամ սթրեսային ընտանեկան իրադարձություն՝ անդամներից մեկի լուրջ հիվանդություն կամ մահ, ամուսնական դավաճանություն կամ ամուսնալուծություն և այլն:

ճգնաժամում կարելի է առանձնացնել հետևյալ փոխկապակցված բաղադրիչները՝

- 1 ճգնաժամային իրադարձություն՝ որևէ ուժեղ, բացասաբար ներազդող և անսպասելի իրադարձություն, որն ունակ է կազմաքանդելու ընտանեկան համակարգը և/կամ դրա բնականոն գործառնականությունը,

- 2 ընտանիքի անդամների՝ տեղի ունեցողի ընկալում և գիտակցում՝ այն, թե ինչպես է տվյալ իրադարձությունը բեկվում ընտանիքի անդամների հոգեկանում, ինչ եղանակով է ներքնայնացվում,
- 3 ընտանիքի անդամների վերաբերմունք տվյալ իրադարձությանը և դրա վերապրման առանձնահատկությունները. սուբյեկտիվ վերապրումն ու ընկալումն է, դիրքորոշումներն ու կարծրատիպերը, անդամների հոգեբանական պաշտպանական մեխանիզմները և
- 4 փոփոխություններ ընտանեկան համակարգում՝ ճգնաժամը անպայմանորեն ներազդում է ընտանեկան ամբողջական համակարգի վրա՝ անմասն չթողնելով ներքին սահմանները, կառուցվածքային գործընթացները և փոխազդեցությունները, դերային բաշխումները և նորմերը և այլն,
- 5 ճգնաժամից դուրս գալու հնարավոր անհատական և ընտանեկան եղանակները՝ ընտանիքը որպես համակարգ և առանձին անհատները կարիք են ունենում ճգնաժամի հաղթահարման գործընթացում սպեցիֆիկ աջակցության:

Առավել տարածված ոչ նորմատիվային ընտանեկան ճգնաժամերն են՝

- ☞ ամուսնական դավաճանությունը,
- ☞ ամուսնալուծությունը,
- ☞ ընտանիքի անդամի ծանր հիվանդությունը,
- ☞ ընտանիքի անդամի մահը,
- ☞ բռնությունը և ինցեստը: